

Toyloqda 620 nafar norasmiy ishlovchi fuqarolar faoliyati qonuniylashtirildi

10.06.2022 - 17:23



Toyloq tuman davlat soliq xizmati organlari **2022** yilning may oyida davomida **6** milliard **922** million so‘m miqdorida soliq to‘lanib, belgilangan prognoz rejasi **116.37** million so‘m ortig‘i bilan bajarildi. Byudjetga yo‘naltirilgan mablag‘larning asosiy qismi **5** milliard so‘mi, ya‘ni **75.1** foizi yuridik shaxslar, **1.7** milliard so‘mi yoki **24.9** foizi esa jismoniy shaxslar hissasiga to‘g‘ri keldi Soliq turlari bo‘yicha tahlil etadigan bo‘lsak, tushumning **2.8** milliard so‘m yoki **41.5** foizini jismoniy shaxslar daromad solig‘i, **1.7** milliard so‘m yoki **24.9** foizini jismoniy shaxslarning yer va mol-mulk solig‘i hamda qolgan **2.3** milliard so‘m yoki **33.6** foizini esa boshqa soliqlar va yig‘imlar tashkil etdi.

Bugungi kunda Toyloq tumanida **2538** ga yaqin tadbirkorlik subyektlari faoliyat yuritadi. May oyi davomida “Soliqchi-ko‘makchi” tamoyili asosida **126** ta korxonaning **115** ta muammolari o‘rganilib, shundan **103** dan ortig‘i bevosita soliq xodimlari ko‘magida hal etildi.

Toyloq tuman davlat soliq xizmati organlari xodimlari tomonidan tadbirkorlik subyektlari bilan olib borilgan tushuntirish ishlari natijasida **121** ta korxonadagi **620** nafar norasmiy ishlovchi fuqarolar faoliyati qonuniylashtirildi.

Sohalar kesimida ko‘rib chiqadigan bo‘lsak, savdo va umumiy ovqatlanish korxonalarida **74** nafar, ishlab chiqarish va xizmat ko‘rsatish korxonalarida **113** nafar, qurilish korxonalarida **247** nafar hamda qishloq xo‘jaligi sohasida faoliyat yurituvchi **186** nafar fuqarolarning faoliyati rasmiylashtirildi va byudjetga **154** million so‘m qo‘shimcha mablag‘ yo‘naltirildi.

Joriy yilning may oyida “Soliq hamkor” dasturi orqali Toyloq tumanida faoliyat yuritayotgan tadbirkorlik subyektlari bilan bog‘liq soliq huquqbuzarliklari to‘g‘risida jami **18** ta murojaat kelib tushgan bo‘lib, murojaatlarga asosan **18** ta sayyor soliq tekshiruvlari o‘tkazildi. Bugungi kunga qadar murojaatlari o‘z tasdig‘ini topgan **7** nafar fuqarolarning bank plastik kartasiga **3,5** million so‘m mablag‘ o‘tkazib berildi.

Shuhrat Sharipov,

Toyloq tuman davlat soliq inspeksiyasi boshlig‘i.
